


THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY


DEC 20 1955

冷吟仙館附錄



冷噲僊館州錄

哈佛大學哈佛東京
圖書館珍藏印



冷吟山館附錄

題辭

集蘇文忠公句

楚樊

胡毓筠

介卿

曲收彤管邴邴風尙有清詩氣吐虹讀遍牙籤三萬軸
銀鈎秀句益疏通

筆下波瀾老欲平雲璈常聽步虛聲寒窗冷硯冰生水
無數新詩咳唾成

柏舟高節冠鄉鄰秋水爲文不受塵欲遣何人賡絕唱
階庭蘭玉一時春

教子通經古所賢
詔書行捧縷金箋
詞源濫濫波頭展
種德方知福有田

曲沃

仇汝嘉

懋侯

霜操冰懷林下風
天教苦節報孤忠
詞章家數卑清照
巾幗人閒有太沖
八法入神無俗豔
百篇垂老益沈雄
中宵披讀慙還拜
翦盡三條蠟炬紅

錢塘

張景祁

繁甫

團香散雪羨舊家
美眷才調雙絕十
載飄蓬官閣垂鐙
吟牋滿仁瑤篴
正衣頓觸遼陽感
早夢裏刀環敲折便

倒傾濯錦江波怎寫此情嗚咽
堪歎牽蘿歲晚自憐
翠袖薄辛苦誰說嶺上雲飛天外書遙盼斷鄉關黃葉
秦樓賸有吹簫譜也化作蜀鵑唬血待板輿扶醉花前
忍憶紡甄寒月

調寄綠意

香山黃紹昌
此鄉

忍聽哀絃語甚芬穠左家藻思露酸霜楚燕寢圍香同
選韻眷屬神仙俊侶怎破鏡天邊難聚八口扁舟愁上
峽悵離鸞寫入瑤簫譜腸斷也冷猿訴
草堂相對陳
芳杜和機聲楹書苦課一燈涼雨親舍白雲勞望眼夢

冷吟仙館附錄
繞吳江舊路只瘦損黃花秋暮汾水西風孤雁過看隨
征又續班姑賦添幾許玉臺句 調寄金縷曲

孤舟入蜀圖題辭

族弟省三佑卿

蜀山突兀蜀江清江上秋風動素旌落日夔巫一回首
哀猿惟有斷腸聲

莫道魂歸蜀道難危途履險得平安此中淒苦憑誰見
一片峨眉月影寒

盱眙 吳棠 仲宣

古木千崖秃長江一葉浮烽煙歸旅櫬風雪載孤舟
鴟傳淒調哀猿動暮愁不堪回首處京雒憶前遊
共詠霓裳曲俄經四十年循聲留薦牘壯志付戎旃遺
恨隨波逝貞心比石堅芳徽彤管紀譜入柏舟篇

鳴鹿

王德固

子堅

孤鸞不成曲餘音淒以繁華月照滄海棲宿青琅玕君
子秉高節致身佐戎軒五馬莅江右豈獨一障完才命
胡不偶遽損搏風翰丹旆歸蜀國雲濤鬱千盤榜人泣
杜宇楚客愁哀猿平生仗忠信詎知道路難悲聲激林

莽冰蟻亦盤桓崩城有齊婦歎室紀魯媛至今義魚嘴
嗚咽聞嗚湍載筆命彤史清芬播幽蘭

歸潘氏蘭陵

趙韻卿

悟蓮

雲茫茫天蒼蒼孤舟一葉來長江兩岸哀猿嘯斷腸孤
兒幼女聲悽愴何處白雲是故鄉西風蕭蕭木葉黃迢
遙灩澦與瞿塘亂石磷磷排戟槍灘聲如雷響奔瀧舟
人推蓬心驚惶仰天痛哭漉酒漿水底蛟龍齊潛藏片
帆穩渡真慈航萬里歸來慰高堂承歡侍膳子職當瓊
枝玉樹皆聯芳廿年茹荼苦備嘗闡儀懿德世無雙詩

畫清才千秋揚指日

九重賁鸞章榮旌綽楔增輝光

武昌

王家壁

孝鳳

右孤舟入蜀圖贈太僕卿吉安太守華陽曾吟村同年
繼室左蒸人所自繪也吟村諱詠以道光甲辰通籍咸
豐己未由戶曹出守吉安時吉安已四被兵矣君至思
爲起創夷力行惠政紳民恨得君晚未幾賊至君憑城
固守且飛書乞上援不應請益急乃令陸參將及所謂
冲天礮李金揚者來援故降人也至則給君曰我輩代

君守君得民心可速集鄉團爲助君誤信之甫輕騎出
詣鄉而援軍已開門揖盜矣及君率鄉團至夜縱火爲
疑兵賊驚潰去幸草芥無傷援軍又以爲已功大府不
能察而君坐失守落職矣節相曾文正公廉得其實有
檄招之乃出從鮑春霆軍門超軍霆軍連克青陽石埭
九州縣君無役不從也同治壬戌閏八月君以積勞卒
軍中恭人自跋所云病入膏肓伏枕猶呼叱咤生悲徂
謝遺書尙念

君親蓋紀實也大帥爲聞于

朝得贈卹廕子如例恭人攜孤奔喪大帥籌發

恩卹銀且倡眾賻贈乃得扶輓歸蜀其歸蜀也舟過又
魚灘遇大風舟幾覆恭人撫棺痛哭且酌酒默祝風旋
止獲濟舟人神之是圖之所爲作也恭人爲陽湖左仲
甫中丞女孫能詩文善畫其歸太守於京師也以辛亥
實未見舅姑及太守卒或以歸蜀爲難恭人曰夫子蜀
人反葬義也且二親在必歸蜀及歸孝養如新婦家無
恆產以繪事給甘旨舅姑以壽終禮無違者旣命子光
煦就吏部候銓而已留蜀仍以繪事自給蜀人欽其節

重其畫止戶限外求詩畫者不絕也家壁自奉天還京
光煦以冊來謁敬題曰

巫峽猿聲愁煞人灩澦堆邊草不春入蜀孤舟苦復苦
蛟龍斂威如有神蛟龍不敢違帝命天矜節婦憐忠臣
奇節已令巾幗重高才豈徒輦輓珍我所敬者尤在舅
姑亡子夫有親茹苦調甘終其身教子不爲兒女仁

吉林
景廉
秋坪

朔風怒吼瞿塘峽水窟潛蚪動鱗甲十丈驚濤一葉舟
盤渦亂石森如插石劍觸舟舟欲傾忽然風定波濤平

天開白日懸光晶是何神怪不可測中有冥鵠悲且鳴
蘭陵蔚起笄幃傑山上藁砧大刀訣萬里烽煙負骨歸
誓將生死成蛩蛸豫章白楊秋下條蜀嶺子規夜嘯血
此時餽飢推中腸可憐魂魄俱飛揚不畏殘生葬魚腹
奉君靈兮還故鄉中流酌酒仰天哭哭聲直上徹帝旁
河車玉女下垂手蜚廉弭節馮夷藏吾聞河梁懸水三
十仞由來涉險存忠信何況冰霜百鍊心精誠終古通
天問自寫此圖作此歌淋漓豪素哀情多長城摧陷感
杞婦班竹點染懷湘娥雲帆穩渡三巴道馬鬣高封今

宿草誰憐當日貌諸孤頭角嶄然盡端好故人平生不
得志鞠躬報

國心未了九泉耿耿懷孤忠畫荻承先賴襁褓他年若
作宋歐陽斯事更入瀧阡表

柴陽

孫欽昂 師竹

蜀江水底峯插天孤舟上瀨牽復牽蓬背飄飄見素旃
中有抗節巾幗賢夫守豫章慘烽煙戎馬盡瘁皖江邊
扶藪歸去屯以遭巫峽木落紛紛唳鶻無端駭浪鼓喧闐
中流觸石舟欲穿未亡餘生拚棄捐悲哉夫骨淪深淵

酌酒向空淚涌泉真宰上訴天神憐叱咤馮夷走且顛
老蛟戢怒甘局踈布帆無恙幸言旋迴思險阻心愴然
丹青手寫繫詩篇如聞古調淒商絃自昔循良世澤延
椒之繁衍瓜之緜彼蒼眷佑開必先況復志勵柏舟堅
歐母畫荻孟三遷遺徽更追韋文宣諸孤蔚起雲聯翩
會捧

花誥護圯前父魚灘水日濺濺常留勝蹟欽當年貞心
苦節彤史傳

達縣

吳

鎮少岷

造物鍾靈夫豈偶忠孝節烈同不朽男秉剛毅女淑柔
各全正氣答高厚吳江女史左芬才幽比崇蘭清似梅
筮得南豐爲嘉耦鹿車同挽出金臺剖符持檄典荒郡
劫火欖槍遭厄運援軍開門揖賊軍守土失土臣是問
誓死揮戈復舊城臣罪臣功敢自明從此挂冠歸故里
跨驢攜酒不談兵何來羽檄馳星火大帥禮羅赴江左
運籌決策奏膚公立志肅清中外禍積勞成疾軍務煩
中夜星光落營門九城纔克身先死蜀國難歸杜宇魂
矻矻女丈夫烈烈抱奇志誓從萬里收夫骨虔心默禱

動天地上有白髮之二老下有黃口之遺孤一肩責任
如山重殉夫不足報吾夫癸亥之年扶櫬返吳頭楚尾
江天遠涉險奔波入蜀門洪濤洶湧輕舸穩舟行偶泝
义魚灘駭浪掀天石笋攢老蛟怒吼陽侯起覆舟容易
覆棺難撫櫬悲歌聲悽絕山爲動搖水爲裂苦海愁天
慘莫言淚珠灑江江成血霎時風定險湍平江神潛格
水魅驚一葉慈航登彼岸望夫石畔影嬛嬛別鵠離鸞
歌未足悲憤特向圖中錄我覽斯圖感且欽氣慄冰霜
節勵俗綽楔他年姓氏揚褒榮彤管錫

鸞章柏舟操並松筠老浣花溪水蘋藻香於戲名士名
媛多數奇歷觀往古常如斯巾幗叢中誰最著君不見
大家史筆蘇蕙詞

秣陵
夏家鎬 伯音

左芬清才不聞節曾母慈明啟賢哲淵源異代有令媛
宏濟家屯邁英傑倡隨早歲佐賢侯琴瑟悃悃篤好述
緗素雲煙芬繡閣丹黃校勘倚香篝艱難痛值兵氛會
拮据危城幸無害白羽淒涼溢浦雲素車迤返岷峨旆
漂搖單舸上夔巫三峽江聲濫瀕巖涉險豈關舟楫利

生還竟得鬼神扶幾年痛定歸來後往事驚心重回首
教子思承清白詒繪圖重試丹青手非關巾幗羨榮名
要識迴天本至誠杞婦城崩哀痛切湘妃竹染淚光瑩
萬事乘除如轉轂否泰相隨增後福慈母終酬畫荻勤
佳兒早已楹書讀繞牀銀鹿秀芝蘭爲語歸舟行路難
世閒多少閨中秀莫作尋常圖畫看

榮昌

教册賢

金甫

辛薺閒盡不言才書畫平生歷劫灰道韞風徽原澹定
王凝孀息竟歸來蜀山鵲血孤帆遠巫峽猿聲晚角哀

冷吟仙館附錄
賴有凌霄珠樹在管教阿嬾笑顏開

熙胡
查毓琛

巴流湍似翦巴婦淚成珠家國總無負死生拚與俱鵲
聲寒白帝雁影沒蒼梧不化山頭石年年空望夫

新津
童 棫 遜庵

卅年車笠悵天涯南浦西山寄遠思琴鶴清風戎馬績

一身千古是男兒

余與吟村太僕於道光杪都中朝
夕過從追憶往事蓋閱三十年矣

締得深閨翰墨緣唱隨同住有情天

壬子癸丑閒即獲
覩恭人詩畫早歎

為不櫛
學士也
商聲忽變孤鸞曲看取青燈白髮年

吟村歿於
王事恭人

乃躬任艱鉅備嘗險阻卒能歸骨故鄉
撫孤成立此賢士大夫之所恆難也

一葉扁舟指故鄉靈旗萬里護歸裝蛟龍解重冰霜節
無限風濤不敢狂

歸來築室近松楸鮭粥無餘色不憂深鎖柴門勤課子
高風長在浣溪頭

陽湖

惲桂孫

小山

廬陵太守賢夫人家世清才晉貴嬪生小同鄉誇鮑謝
舊媼中表數朱陳自從遠嫁他鄉婿北轍南轅久隨侍
儉德常偕吳晉陵高風欲共梁司隸無端羽檄馳江東

義感閨房賦小戎願勗書生赴戎馬肯將兒女累英雄
刀環夢斷珊瑚玦一去生離成死別鬱鬱卷施已拔心
哀哀社宇猶嗚血君生未歸死未安家山繫念淚痕殘
隨君萬里歸同穴豈畏青天蜀道難黃牛峽裏連朝暮
錦里搖搖指歸路石立飛湍猿獾森風翻幽壑蛟龍怒
頃刻帆檣作土沈撫棺大慟摧寸心恨未登山成片石
誓將入水作冤禽扶持須仗鬼神力天地忽開驚浪息
不覺中流自在行錦江匹練澄空碧手寫丹青發悲歌
變風遺響繼中河爲問衛家孤燕陶黃鵠誰使千秋雪

涕多

吳江殷兆鏞
蒲菴

霜風淒淒雨浙浙飄飄素旄慘無色孤兒寡婦哭在船
又魚灘前幾覆溺共指西江太守曾忠臣遺櫬還鄉國
太守初臨吉郡年郡中何處非烽煙拊循彈壓民稱賢
其如豺虺日蔓延大府坐視不發救血書一任飛紙鳶
忽遣降兵與叛將來助守城作保障給言君得紳士心
盍往四鄉勸團防君甫出城賊入城諸守城者倒戈向
君聞慷慨志結纓眾請毋死隨君行轟然列炬燒賊營

賊跳而走存空城降兵叛將還遭戮君亦決意將歸耕

縱陽江頭羽檄至催君皖口襄軍事石埭青陽九州邑

手提擲還報主帥曾文正公鮑軍門超豈意老僧吹角招功名未

竟身先逝君夢僧吹角相招尋在軍營病故問卿

錫命

恩優隆歸途雖險馴蛟龍孤兒今已聯翩起璇閨況擅

詩畫工此圖三絕傳無窮吁嗟乎節母之節忠臣忠

銅梁 吳鴻懋 春霖

華陽曾子西蜀來翩翩儒雅不凡才一見便如舊相識

爲索新詩圖畫開道是萱堂揮淚筆江濤峽石壯悲哀
哀歌一曲驚黃鵠動忍天心多變局當日尊人守吉安
善教化民能成俗烽火連天動地來西江蒼赤遭荼毒
鼠跳蜂聚古城危待旦枕戈心力疲捷書報到身先隕
牙將羽軍皆淚垂恭人明義識今古親扶靈輜歸故土
黃口繞膝嗚呱呱赤手艱難不知苦堂上雙親白髮新
亟思奉養薦脩脯素帆遠挂大江干心堅豈畏蜀道難
石鯨吹風駭浪立孤棹直上义魚灘灘聲不住人聲急
怪石雜出相激湍舟子落膽空咋舌恭人生死殉一棺

頃刻精誠感天地魚龍潛伏波不瀾繪出當日孤舟景
令人見之摧心肝處變如常賢且淑上代承歡下鞠育
懿行德徽無閒言筆墨生涯供餽粥養生送死在仔肩
擔當大事悲風木男婚女嫁備苦辛歐茨柳丸親課讀
令子力學拾芹香定能克家繼科目松柏後彫閱歲寒
香留晚節看黃菊誰謂天心不可知我觀易象參剝復
女中學士大家風奇才多出巾幗中不重奇才重奇德
傳人豈僅詞翰工披圖移時彌增感自嗟命運多坎窞
去秋禍忽延椿庭傷哉情緒何憂慘此後入蜀亦孤舟

夢繞江流愁更愁人生大本爲忠孝天平何怨人何尤
一帆風順隨所遇茫茫誰導征夫路君執斯圖感春暉
我對斯圖寫哀慕

皖潛

徐賢尊

震卿

左恭人江蘇陽湖人左仲甫中丞女孫

贈太僕寺卿前江西吉安府知府曾吟村德配也生而
淑慎性稟柔嘉稍長讀書通大義不矜柳絮之穎慧無
詡荆管之新奇固已志喻清霜心盟白日方太僕公之
捷南宮司農部而官京師也一鐙佐讀十樣分箋案畔

眉軒有青禽之比翼房中手奏無黃鵠之孤飛伉儷相
莊門闌集慶旣而太僕公出守江右五花爭豔雙管描
春錦張新製之機琴譜阜民之曲循吏之傳可付之史
官神君之稱交推於南郡方冀薦登上考展步長江無
何鼙鼓喧闐欃槍閃爍煙生城闕霜肅戈矛賊勢愈肆
其鳴張援師復虞其鶴化黃沙漲地白骨撐天大廈難
支長城竟墮以一身盡瘁未克厥成海水沸愁天風激
怨而恭人於斯時也匍匐招魂蒼黃淚泣骨逾柴立氣
僅絲連俯首重泉疇奉白頭甘旨傷心獨活堪憐黃口

呱嗚託李篤之家命亡逐北悲王凝之婦骸負歸西苑
轉哀號慘搖三峽模糊血淚圖寫孤舟嗟嗟舛午難言
艱辛備歷天邊秋雁如答乎悽聲箔上春蠶儼形其憂
緒天乎何酷慟矣奚如迺知抽盡蕉心彌昭筠節他日
榮膺綽楔燉著丹青事表黃麻

龍章載錫蹟垂彤管蠹簡流芳彼何人斯想見柳家之
母必有興者且看趙氏之孤既序大畧爰續四言其辭
曰

天地正氣參闕稱奇風霆歟竄婦孺洎洩卓然世紉子

馬瑩媿魂身蜀道矻矻礪巖灘流終古險出一時靈兮
歸來知乎不知塵展斯圖令我長噫積痛於骨飲恨於
思父忠母節劭旃卷旄揜圖帟息愁絕江湄

川東

鄒增吉

補

秋波淼渺空江水丹旄翩翩還錦里片颿遙泝楚天西
圖窮毫末悲風起舊家僞置蘭陵縣生長江南矻綺豔
左氏曾吟嬌女篇陶嬰眞慕賢雄傳王郎天壤不須嗟
詠絮才名本謝家畫省仙郎清禁滿蘭臺夫壻上頭誇
十載京華擅清譽一麾出守西江去卻爲孤城請救兵

豈知降將虛相助征南幕府並招賢功名肯被書生誤
垂冠且學縵胡纓拂衣更覓封侯路別意芙蓉鏡裏花
離愁楊柳門前樹宣州弩手下江兵荆楚材官氣剽輕
自拔蝥弧當一隊何須五馬典專城捷書屢報通音訊
一朝戎幕傳凶問雞年噩夢已先驚沈疴難起英雄病
故鄉歸骨是何年全家漂泊寄江邊杞梁婦在城空隕
趙氏諸孤共一船當時此憾託煙墨令人撫卷增悽惻
望帝魂銷杜宇城離峯路遠蠶叢國巴女巴童咽竹枝
楚歌楚怨哀蘭澤汀樹微茫有恨天蘋花黯澹傷心色

九秋草木斷發悲青山月落楓林黑淒淒
夜雨天涯聽不得白頭二老倚闥盼一家
骨肉還相見可憐髮婦痛狐貽馨香強爲
忠魂薦家近城南萬里橋
百花潭上水蕭蕭年年自浣花溪紙書畫
裝成鬢已凋牽蘿小婢清江口賣珠補屋
由來有白書新詠付徐陵
尙倚高譚折劉柳令君謁選來

皇都定襄作宰捧除書版輿奉母潘懷縣
綵仗迎親崔大夫馬邑烽煙堪嘯傲雁門
山色最蕭疏好攜花樹河陽譜來撫燕支
絕塞圖回首當初腸斷續此圖此卷難

終讀樂府翻成孤雁飛悲弦彈斷烏棲曲嗚嗚吹角上
瞿唐寡鵠哀鸞事可傷人世恨多難盡寫丹青亦自有

參商

句本唐末
名畫錄

仁和 鍾駿聲 雨辰

巴猿警霜旦弭櫂義魚嘴寸心無波瀾天吳仆不起飛
旄邈潛靈悠悠江之水一卷冰雪文瑩然照餘齒

山陽 秦 煥 文伯

節旄勛業仰清門祖德英華蔚女孫三絕才名南國秀
一篇嗚咽北堂恩撼山鵝鶴思賢守跋浪蛟鯨避淚痕

冷吟仙館附金
非是江神呵護至總緣正氣壯乾坤

毫端風雨雜悲哀雪海冰天淑氣回五馬舊聞騎竹去
雙鳧新看種花來驚心尙夢嘯猿岸翹首纔登市駿臺
共識丸熊慈蔭遠循陔人是勒名才

長白
廣蔭
愛堂

巫山高巴水深風慘慘雲陰陰一葉扁舟載浮載沈鬼
神常呵護蛟龍不敢侵云此尺幅中有忠臣之魄節母
之心解一夫君守西江欖槍方下指斫頭身不屈報

國誓一死淮南轉戰氣何雄手攜九城付元戎無端踐

妖夢飄然歸大空下視七尺黃腸耿耿起白虹

解二母時

聞信遠隔雲嶺姑老子幼依弟姪弟姪又息影歸骨豺

虎窟一日數遇警念蜀道之崎嶇淚下如縷

解三度荆門

道公安布帆直上萬壑千山朝何所聞腸斷哀猿暮何

所聞血灑唬鵑風餐水宿言至义魚灘

解四白浪山立江

聲雷吼一舟低昂險入魚口舫斷蓬穿篙工束手母乃

危坐悲歌慷慨氣薄雲風瀧忽驟退石齒抉其垠舉家

額首驚有神瞬息抵前津

解五憶昔復憶昔痛定還思痛

多年相唱隨柔翰每偕弄一從浮雲事變遷斷硯塵封

觸別夢挑燈試寫入蜀圖是墨是淚何模糊直為巫峰

十二神女之雲雪其誣六解行者稅矣亡者竊矣武擔之

石今復位矣懷清之臺茲其對矣有頰者弁子且貴矣

子宦既成母乃瘁矣七解我未展圖先讀詩晉昌令尹為

我更述母也慈教孝教忠世有之不謂波濤仗涉浩氣

一至斯嗟哉節母乃儒宗匪惟女師八解

豫籍皖桐

方戊昌 季方

吁嗟乎忠臣殉身淚未乾節婦守身意悲酸殉者不易

守尤難節萃一門表霜翰心香一瓣留南豐左芬內助

巾幗雄太守遺愛吉郡中戰績尤著在江東大呼渡河
聲不絕賊巢未洗命先訣以身殉

國心如鐵袞卹典優昭芳烈吁嗟乎公志已遂古賢希
寡鵠孤雛孰爲依遺骸萬里如何歸蜀道青天魂夢飛
又魚灘頭舟幾覆抱棺顛天途窮哭百神呵護馮夷伏
石尤風息舒輦蹙吁嗟乎銜石填海海竟填列女傳中

名媛傳養親教子一身肩竇文鸞畫節皎然淑人古風
脫盡閨秀

口吻畫亦酷肖甌香館否極泰來循環理哲嗣作宰綬拖紫版輿

迎養奉甘旨延陵驄馬今堪比吳春海侍御綵衣娛親
繪驄馬導輿圖淑人題

冷吟仙館
詞感慨淋漓
可歌可泣

閩南王仁堪
可莊

急瀨聲迴寡鵠吟
斷航飛渡大江濤
淚潮恨海兩無盡
于尺風濤未覺深

春風不放卷菰枯
晚景宜添捧檄圖
餘事丹青亦千古
蘭陵壓倒憚清于

楚樊胡毓筠
介卿

蜀山高高蜀水長
太守靈樞歸故鄉
鄉居敝廬不知處
縹緲素旄隨波揚
又魚灘頭浪最惡
排空倒峽聲泐泐

扁舟孤影幾顛覆篙工舌咋心傍徨吁嗟節母吞聲哭
酌酒哀告天蒼蒼上有翁姑尚健在雙雙白髮門闔望
下有嬌癡苦稚弱待哺黃口泣嗶嗶不惜未亡人蹈險
只恐遺棺沈渺茫眞宰訴達幽冥聽鬼神呵護蛟龍藏
波濤全仗忠信涉一誠遏住狂風狂事過迴思猶心悸
摹成圖冊誌不忘三絕夙精詩書畫和淚自寫情悲傷
憶昔吉安頻遭劫但餘瓦礫城荒涼太守下車新爲政
心力交瘁籌團防叛將通賊誅難追城門失火池魚殃
蠢爾殘凶脫狡兔轟然列炬奔羣狼便擬反轅息肩去

無何應聘趨樅陽樅陽軍書亦火急勢難袖手觀從旁
帷幄運籌已決勝誰知二豎屯膏肓勳名未竟棄中道
魂魄何依羈遠方節母攜孤慘扶柩險阻艱難曾備嘗
布帆無恙旋梓里宗族鄉黨稱賢良丹青淋漓謀孝養
旨甘仰給調羹湯迨看喪與祭無憾窀穸孔固蘋蘩香
況兼男婚並女嫁紛紛向平願都償尤塵詩禮紹先志
紗幔所傳經籍光迄今諸郎聯翩起鳳毛絢采齊翱翔
雲山北向三晉地板輿親捧迎花疆食蔗早知有佳境
折蓼仍訓刑稱祥弦歌聲裏承色笑歡臚保赤登慈航

天眷節母貽福厚子孫逢吉身康強年年八座起居適
芝誥稠疊頒金闈

靜海

高崇基

紫峰

我聞崔實有善績賢哉其母深訓迪後之作者左恭人
十載含茹勤畫荻板輿花縣報春暉比戶謳吟播遐迹
詎知磨蝎際迤邐萬里風濤身遠歷惜昔吉安四被兵
羣盜如毛逞鋒鏑清貧太守蘇創痍力扼孤城撐半壁
降人鬼蜮藏禍心一夕城中傳羽檄從茲飲血走青陽
上念

冷世仙館附金
君親悲伏櫪孤帆載得忠魂歸襍被入蜀心憂怒巫江
兩岸猿猱哀澎湃碎訇波浪激輕舟倏入叉魚灘髮髯
春雷轟霹靂舟人無色走且僵恭人酌酒波中滴一門
忠節感天公瞬息潮平渡飛鷁丹青自給奉舅姑衣鉢
徐黃流派嫡新詩數卷掩前賢藻思縟旨誇凌轍雞林
大賈懸餅金巾幘鬚眉疇與敵雨窗披圖誌短篇霜毫
愧無冰甌滌

靜海

杜崧年

又跋

世途艱險千萬端婦女肩任尤爲難曹娥杞妻事已往

永垂青史名不刊曾君本是奇男子夫人節概亦無比
既嫻書畫更工詩不櫛真堪稱進士相隨五馬來江鄉
徧地狂寇矜鴟張吉安四度遭兵燹那有燕寢凝清香
隨身一劍赴官去十口寄寓留南昌使君入境士民樂
團結殺賊受成約援軍誰想是豺狼揖盜開門肆擄掠
萬民救護身雖存降將巖誣職已落此時有志將歸耕
大府飛書頻促迫霆軍檄入揚威名九戰克復九名城
報

國心殷病遂亟夫人奔視阻行程半途驚地聞凶耗撫

膺大痛將捐生因念遺囑強支拄獨爲其難師程嬰家
門萬里錦江渡宦況清貧太寒素大僚賻贈分廉泉
婦孤兒得生路歸舟行入義魚叉灘底石齒森杈枒長
鯨鼓浪狂風吼蛟龍突起紛騰拏舟子失色各束手全
家眼看入虎口夫人撫棺悲失聲精誠上達天帝右酒
和血淚澆洪濤馮夷遁逃鼃鼉走須臾出險慶再生謂
爲神助果然有痛定思痛繪成圖歸獻高堂枯淚濡婦
代子職供甘旨母兼父道教諸孤天與生花筆一管浣
花溪上甌香館人得書畫如奇珍潤筆爭遺曾未緩男

婚女嫁忘家貧手指告疲心力瘡

楓宸廕卹隆長君栽花滿縣滹沱濱板輿入境開笑口

棠歌齊頌清慎勤指顧政成書上考治譜半從慈訓聞

久欽節母才德全嗣君共楫誠前緣我為賢令進一解

忠孝食報當縣延他年再走邯鄲路莫信幻夢淆真詮

神仙原從患難得君不見萱堂之上真神仙旭初有邯鄲夢影冊

子故末語及之

文安董汝觀子賓

巴山蒼蒼巴水寒扁舟寡鶴攜雛鸞扶持忠骨衝急湍

招魂萬里悲風酸節母繪圖淚暗彈追吟往事推心肝
當年同卿初彈冠同挽鹿車來吉安狼煙突起兵力單
欖槍橫埽西江干紙鳶木鷺達將壇援軍難辨忠與奸
開門揖盜賊蠹攢燎原劫火羣黎殘守土失土任譏姍
叛軍狡脫公無官尊鱸風起宦興闌思歸故國醫箭瘢
大帥禮羅飛羽翰夷吾江右催征鞍公志遠大侔范韓
瘡如可補肉可剜覆盆未白臣心丹名城九下臣力殫
渡河三呼熱血乾大節懍懍孤忠完遺孤藐藐路漫漫
杜宇聲嗁蜀道難節母撫櫬憂心博悲招素旒揚帆竿

孤舟一葉義魚灘風狂浪湧石噴岍篙師惶懼足蹒跚
船頭簸起波中鑽曾氏諸孤命將拚舟中況有忠臣棺
節母酌酒澆狂瀾悲歌哀籲聲長歎人生忠節是大端
鬼神呵護蛟龍蟠波平風定安如磐慈航穩送華陽巒
白髮翁姑枯淚溥一家骨肉今團欒丹青齊作甌香觀
鬻畫來佐雙親餐仰承堂上色笑歡諸郎課讀分熊丸
階前挺秀培芝蘭鳳毛絢采鵬扶搏次公仙骨尤姍姍
廕封拜受

天恩寬賢聲遠勝河陽潘花疆迎養扶輿欄黃花須向

晚節看晚晴佳景嘗蔗般我來三晉歷岷岷明府共楫
相盤桓他時慈竹拜琅玕登堂親獻蟠桃盤

祁州李榮和木庵

皎皎中天月清光永不滅鬱鬱嶺上松居高堅多節人
生遇坎坷如月有圓缺蹭蹬不稱意如松被摧折卓哉
曾太守乃是人中傑德配左淑人金閨稱明哲巾幗與
鬚眉生死各清絕曾公蒞吉安荒城正旣艱勞來兼撫
字政成萬姓悅賊氛陡然至告急飛羽檄豈料援軍來
同袍竟相蔑給言得民心掉彼廣長舌整我鵝鵠羣伏

兵出城設開門揖盜入異謀逞詭譎誓死矢靡他我民
泣涕啜稍緩須臾死重修戎行列乘夜潛入城燎原一
炬爇狂賊譁然驚遠遁靡遺孑露布馳報功逆將乃攘
竊捷足先著鞭堅白遭淄涅喜愠兩不形奇冤久昭雪
從茲返初服歸去守故轍君家文正公督師專節鉞尺
書來江左邀君重入幕破浪乘長風再擊中流檝軍門
資贊勳九城指日捷策勲膺上賞酬庸還公笏男兒死
疆場歸尸裹馬革運籌臣心殫鞠躬臣力竭心力俱云
瘁竟以王事歿淑人聞之驚哭君腸九折鹿車難共挽

生離成永訣思君彌留際遺言嘔心血堂上白髮衰膝
下兒女弱隱忍稱未亡事畜一身託關山信難越何時
歸君骨和淚濡霜毫持圖向人說孤舟出南昌扶櫬旋
梁益道路阻且長崎嶇經絕壑行抵叉魚灘風波一何
惡怒流觸石起旋渦如地裂俄頃逐浪沒長年盡失色
堆胸增悲歌撫棺長歎息把酒呼蒼昊誠至天能格鬼
神相呵護蛟龍頓藏迹彼岸倏爾登安穩下三峽履險
忽如夷惟憑忠信涉望望錦官城里門幸生入登堂拜
舅姑仰事循婦職持此丹青筆甘旨供晨夕夜燈課兒

讀丸熊與畫荻嚴父慈母兼諸子皆成立男爲奇男子
千載堪矜式女亦女丈夫鍾禮又郝法忠節集一門
天章荷寵錫

中朝頒同命節終禮不忒

懋賞及後嗣花封奏偉績共濟欽同舟慈顏未曾謁披
圖發長吟屢下數行泣愧乏長吉才枯腸勉搜索

巴縣 李成章 服五

萬里橫江練寸心枯井清招魂來鶴影嘒血痛鶻聲原詩

蜀鶻嘒血

煙冥冥

梟獍連峰警蛟龍五夜驚

原序仗一葉之櫬
慈航蛟龍潛伏

前憑禱祝原詩心香誓

拈管記歸程

息影蓬窗裏清風載鶴琴靈隨巫峽上恨與蜀江深白

髮悲垂老丹衷鑒此心峨眉磧畔路孤月夜沈沈

原序

難在嘉州下流甚險即古犍為郡處與峨眉縣亘而來

永濟

甯繩武

貽軒

一函忠骨百篇詩氣壓洪濤險化夷天鑿歸裝無長物

慈航呵護到峨眉

巫峽哀猿鎮日嘯片颯遙指浣花溪杜陵遺集蘭陵藁

料得千秋並品題

清苑
許涵度
紫純

定襄賢令蜀名士燕見示我入蜀圖云是慈帷手作記
中有血淚含模糊當日寇氣徧江右乃公典郡危城孤
烽火四郊合圍久矢盡援絕空哀呼出郭收兵郡城陷
甘將軀命膏湛盧士民攀號願殺賊公死無益胡爲乎
大帥憐才置幕下以公失事非其辜規復列城士氣倍
軍門仗策平萑苻壯志未酬竟殂謝裹尸馬革曾何殊
蘭陵賢媛際此變欲死誰爲憐孤雛西歸旅櫬蜀山遠
問關跋涉悲長途一葉扁舟上三峽愁雲滿目連夔巫

義魚灘頭暴風作波濤怒轟蛟龍趨白頭篙師盡股栗
危哉性命懸斯須至性所感鬼神護危灘頃刻如康衢
驚魂甫定繪成帙淋漓佳什罪璣珠是墨痕耶是涕淚
節媛才女今世無吁嗟乎峩眉之峰凌斗樞錦江之波
清不渝靈秀所鍾到中國凜凜奇氣驚頑愚我讀斯圖
肅然起知君秉訓由慈烏願君長守畫荻教循聲指日
聞上都

莒州管廷鶚士一

關山萬里未亡人巴峽中流一葉身鷁首浮沈隨逝水

鴻毛生死寄纖塵
哀猿交淚悲何極
陽鱗潛踪信有因
寫罷卷施出奇險
從知忠烈感明神

壽陽

傅汝霖 雨三

兵燹連郊慶再生
孤帆搖曳指蓉城
篷翻驟雨飄無定
風擁危檣折有聲
隔岸猿依枯樹嘯
深宵龍挾怒濤鳴
中流撫劍悲歌起
倒喝空江水勢平

江流浩淼響噌吰
風雨扁舟一葉輕
水湧波濤浮鷁起
人拚性命與蛟爭
孤篷燈燼寒無燄
四野猿嘯夜有聲
豈是長歌能禦險
山靈特意護忠貞

涑水趙之燮鐵卿

天崩地裂鬼神愁萬頃驚濤一葉舟
畫鷁險穿巫峽口暮猿哀答蜀山頭
捐軀報國雄心在負骨歸鄉大節留
從此奉親兼教子杞妻歐母並千秋

墨痕和淚瀉毫端尺幅江聲吼怒湍
萬里家山悲杜宇五更風雨哭桐棺
驚魂猶恍波濤惡矢志渾忘道路難
此日

褒榮崇祿養科名蔚起報芝蘭

宿松黎宗幹 芭孫

盥香試披圖感慨殷節擊天意良有由母德竟無極自
舉梁氏案競誇藍田璧司曹妙持算豫章新捧檄絃管
弄清聲棠芾遺甘澤瘡痍赤子哀勦劫紅羊厯智珠握
中權心兵挫強敵毒遭外援軍陰誤守土職拔劍赴戎
行運籌建勛策奮振雷霆怒叱變風雲色轉經百戰苦
捷報九城克傷哉精血殫杳矣僊凡隔孤鸞與雛鳳碎
肝而喪魄旅櫬悲皖江歸途思蜀國危灘過乂魚戾風
驚退鷁浮沈舟一葉浩淼濤千尺檣勢駭欲折猿鳴聽
盡咽呼號天地愁悽惻蛟龍泣凭棺淚空垂酌酒波頽

息劇憐寸心丹得慰雙頭白胡以奉滌隨惟此工詩畫
淋瀝春雨詞點綴秋山墨嫻訓苦和丸示誠響裂帛芳
庭蘭桂品幽室松筠節紫綬煥文章黃麻榮
誥敕莫奇巾幗傳永表金閨式

德化 劉瑞祺 謹承

岷峨迤邐江流闊凝碧成雲無變滅一門至性足千秋
夫作孤忠婦苦節蘭陵女史左芬才金石爲心玉爲質
南豐夫壻主農曹鴛鴦文彩稱良匹一麾出守古廬陵
黃巾肆擾變倉猝設疑攻賊賊奔潰九城迭克盡妖孽

有功不賞罪必誅失土得土甘廢黜元戎辟置愛公材
設施木竟空嗚咽噩夢老僧吹角招參苓不起膏肓疾
玉鏡忽破温嶠臺金環竟佩申生玦寡鵠悲鳴不忍聞
顏色慘淡聲鯁噎撫孤已無杵曰忠摩笄敢學趙姬烈
狐貍鬢髻迎喪輿從此一身繫存歿楚些作賦誰招魂
黔婁有妻得歸骨家山遙望西南天閒關萬里難飛越
瞿塘豔瀕古天險急湍亂石相吞齧萬壑倒流水建瓴
千崖競勢灘森笏篙師股慄一失手帆檣傾倒舵摧折
不恨殞身龍蛇淵恨君葬骨龍鬣窟撫棺一慟天蒼涼

靈帷彷彿魂悽絕哀聲下徹馮夷宮精誠上達諸天闕
須臾風定波濤平慈航一葉渡恍惚吾聞湘靈泣竹竹
盡斑妃婦哭城城爲裂鑿此堅貞一片心感動天地光
日月巴峽哀猿秋斷腸蜀山杜鵑夜嘯血三十年來淚
眼枯諸孤教養森成列歐陽荻訓昔青燈潘岳板輿今
白髮一幅畫圖一卷詩回頭往事應涕血噫嘻乎精衛
難填恨海波女媧不補情天缺彼蒼厄才乃顯才共姜
之什曹昭筆

卅從
周天麟
石君

素旄歸舟數千里輕攜一葉只魂斷又魚灘上石尤風
烈隻手難迴鯨浪險傷心但寫鵑嗁血且推篷把酒酌
江天慈航接 身世感滄桑閱兒女累劬勞竭想寒閨
賣畫淚枯雙睫十指都償婚嫁願諸孤不負冰霜節向
琴堂重展舊圖看笙詩叶

調寄滿江紅

旌德 呂鳳岐 瑞田

丹旄沂江沱狂風舟已頗計惟有酌酒悲歌忽爾浪平
歸棹穩風縱惡奈天何 寫影筆曾呵傷心句自哦左
芬才幾許消磨秋雨燈前頻掩卷詩與畫淚痕多

調寄唐多

令

會稽 李慈銘 蕓客

萬疊鉅山路正蒼黃孤舟入峽素旌飄霧偏是猿嘯經
 破冢苦被石尤風住恁布總憑棺誰訴那有小郎呼謝
 述險存亡都盡义魚渡向空祝奠椒醕 悲歌忽遏蛟
 龍怒報神君布颿安穩黃牛如故舐筆蓬窗重和淚點
 向左芬紉素更血染丹楓千樹我亦無家張儉耳慣風
 濤題徧傷心句 我是無家張儉萬里走江城左仲甫中丞
南浦詞句也恭人即仲甫中丞女孫
 竹如意碎還否 調寄金縷曲

跋驄馬導輿圖詩後

銅梁

吳鴻恩

春海

借題發揮忠孝至情溢於言表故人苦心潛德得賢內
助傳之雖在九原可以無憾其古音古節慷慨悲歌直
逼少陵文人學士亦罕見之何論闔閣此圖有此佳作
增光多矣迴還莊誦欽佩靡涯

讀導輿圖詩書後

新津

董

棫

遜庵

題是慈母孝子一世吉祥詩乃節媛忠臣十分沈慟借
酒盃而澆塊壘祇緣誼切葭芋排筆陣而走風雲遂爾
文成規矩著作家斯爲創格巾幗中信有奇人莫罄掄

揚良深佩服

題導輿圖詩後

山陽秦煥文伯

春海太史之圖是爲至樂恭人闡秀之詩是爲眞悲因
人之樂寫已之悲作詩者具有苦心非明眼人不能知
也

誥封夫人外姑曾母左太夫人壽言節畧

外姑左太夫人名錫嘉字小雲號浣芬後以夫歿改號
冰如江蘇常州府陽湖縣人也祖輔字杏莊乾隆癸丑
進士湖南巡撫父昂字巢生道光庚子舉人安徽鳳陽
府同知母汪夫人繼母惲夫人外兄弟五內姊妹七太
夫人居六生性淑婉聰穎過人幼工繡譜喜詩書九歲
失恃育於叔母家時巢生公以大理寺丞官京師太夫
人旋入都奉侍曲盡孝思無微不至尤能得繼母惲夫
人歡心會巢生公病劇禱於神刲股和藥服之卽瘳姊

二人一爲姚光祿子湘夫人名錫蕙號晚香一爲道光丁未榜眼袁太僕厚菴夫人名錫璇號芙江尋

俱入都均能先意承志都中有左家孝女之稱又皆善

吟咏工書畫才名尤嘖嘖於三黨閒咸豐辛亥歸外舅

太僕公爲繼室太僕公時官戶部太夫人操持內政敬

順有禮中饋縫紉一已兼之常以大義相規勉京曹類

清苦猶能節俸寄家爲兩親壽無闕無乏太僕公

簡授江西吉安府知府太夫人隨焉吉郡屢遭兵燹凋

敝日甚太僕公招集流亡導以農桑使各安業太夫人

又勸振窮黎給衣食以招徠之未幾賊又至民散兵窮

危城不保贊太僕公出資募團兵出奇擊之不三日而
賊潰湘鄉相國知太僕公賢檄赴安慶襄辦軍務旋以
勞瘁卒於軍時太夫人攜幼弱僑居贛州聞耗痛不欲
生拔劍自殉者再均被戚屬勸阻因念親老子幼宜亟
歸櫬遂含悲茹痛以守節撫孤自誓當時寇盜充斥道
路梗塞太夫人奔喪情迫泣血赴皖千里迢遙獨往獨
來毫無懼心遂扶柩由皖至贛親友有勸留江右者太
夫人謂舅姑在堂萬無久滯之理乃并載弟姪兩棺以
歸涉九江過洞庭入瞿塘孤帆數千里弱息八九人出

沒於兵航賊艘之中皆以太夫人是賴至犍爲叉魚灘
舟觸石破風水相薄危在呼吸太夫人仰天悲號漉酒
以禱須臾風平浪息舟得不沉疑有神助悲蜀道之難
作孤舟入蜀圖題詩以記其事抵家營葬畢奉舅姑鄉
居茅屋數椽聊蔽風雨日噉粥食蔬課農自給旁觀以
爲難太夫人顧勤儉操作宴如也事舅姑婉婉將順家
無婢僕佩觿執燧恆躬親之遇妯娌以忍讓推心勸導
相處無閒族之孤寡者時濟其乏子弟驚鈍者悉誨以
禮鄉黨稱之舅姑歿後伯叔議分爨太夫人尼之不可

薄田茅屋甘受其次會天旱田不能耕太夫人乃以針
綉機杼爲餬口之計盼子成立至是尤切因念鄉曲弁
陋見聞陝隘恐學業無成遂卜宅於成都南郭外之浣
花溪工部草堂之側延師課讀畢盡苦心時家計萬分
拮据太夫人又以書畫謀生一時名公卿踵門購求有
紙貴之譽日用飲食男女婚嫁悉賴焉復撙節餘錢以
救溺女施湯藥作諸善舉鄉里咸感其德未幾三子光
岷補縣學生次子光煦以父廕選授山西定襄縣知縣
始以辛巳之春就養入晉抵署教以勤廉仁恕盡心民

事是以所在有聲長子光禧尋選授福建邵武府經歷
光緒戊子光岷捷京兆己丑聯捷成進士簽分刑部主
事四子光文亦援例得知縣女六今存者四各以詩書
畫名於時皆太夫人之教也太夫人畫宗甌香館沒骨
法而設色鮮麗筆力遒勁能自成一家不落恆逕詩多
幽憤感慨之辭亦處境使然渾厚處直逼漢魏著有冷
吟僊館詩詞十卷梓行於世光煦又刻家訓女箴各一
卷藏諸家太夫人辛苦三十年其純孝節烈教子成名
及所歷艱難險阻均爲人所不能爲至於書畫詩詞猶

其餘事誠巾幗而丈夫者也今年十一月二十五日爲
太夫人六旬設帨之辰尙辰忝在甥舍聞見較親謹畧
述梗概以待

鴻詞藻潤爲女乘光外舅曾公諱詠字吟村四川華陽
縣人道光乙未

恩科舉人甲辰進士戶部雲南司主事福建司員外郎
雲南司郎中

京察一等

記名道府

冷吟集附錄
簡授江西吉安府知府

追贈太僕寺卿銜廕一子以知縣用前娶張太夫人淡
太夫人俱無出子四長光禧藍翎同知銜福建邵武府
經歷在任候補知縣次光煦花翎同知銜山西定襄縣
知縣三光岷光緒己丑進士刑部主事四光文藍翎候
選知縣女六長適新都劉必帥次適宛平己卯舉人鹽
提舉銜安徽候補知縣袁學昌三適南充花翎同知銜
同知直隸州用山西候補知縣林尙辰四適銅梁縣學
生吳鍾瀛五適漢州戊子舉人候選訓導張祥齡六適

新都湖北應山縣巡檢魏光瀛孫五人崇進科進儀進
元進德進光緒十五年七月林尙辰謹呈

曾光煦校刊

